

Mirza Čelik
Predsjednik kluba poslanika SDA u
Skupštini Kantona Sarajevo

Na osnovu člana 106. Poslovnika Skupštine Kantona Sarajevo („Sl.novine Kantona Sarajevo“, br.oj 41/12-drugi novi prečišćeni tekst, 15/13, 47/13, 47/15, 48/16) podnosim

I N I C I J A T I V U

Za izmjenu Zakona o uređenju saobraćaja u Kantonu Sarajevo

Primjenom u praksi Zakona o uređenju saobraćaja u Kantonu Sarajevo („Sl.novine Kantona Sarajevo“, broj 30/17) pokazala se potreba za izmjenu i dopunu čl. 40. i 41. pomenutog Zakona.

Član 40. Zakona glasi:

„Član 40

„(Snabdjevanje)

- (1) Snabdjevanje poslovnih objekata koji se nalaze uz saobraćajnice vrši se do 7 sati za tekući dan za sve objekte koji nemaju obezbjeđen poseban prostor namijenjen za zaustavljanje dostavnih vozila.
- (2) Odredbe iz stava (1) ovog člana ne odnose se na vozila koja dostavljaju pekarske proizvode, u periodu od 12,00 do 13,00 i od 18,00 do 19,00 sati.
- (3) Snabdjevanje objekata koji se nalaze u pješačkim zonama vrši se do 9 sati za tekući dan, uz odobrenje koje izdaje Ministarstvo ili ako saobraćajnim znakom nije drugačije regulisano.”

Izmjena člana 40. Zakona trebala bi da se izvrši na način da se jasno definišu ulice u užem gradskom jezgru u kojem se snabdijevanje vrši samo u određenim terminima, da se vrijeme snabdijevanja za ove ulice bude duže od regulisanog vremena kao i da se definiše da se u ostalim ulicama snabdijevanje vrši bez ograničenja.

Ovo iz razloga što je u definisanom terminu nemoguće izvršiti snabdijevanje velikog broja poslovnih objekata u užem gradskom jezgru .

Član 41. Zakona glasi:

“Član 41.

(Odvoz smeća)

- (1) Odvoz smeća na području Općina Stari Grad i Centar, (glavne primarne saobraćajnice na dionici Vijećnica – Marijin Dvor u oba smjera i u ulicama unutar ovog prstena) vrši se do 7 sati za tekući dan po prioritetima.

- (2) Ministarstvo komunalne privrede i infrastrukture Kantona Sarajevo dužno je plan i program odvoza smeća uskladiti sa odredbama ovog zakona.
- (3) Odvoz smeća iz pješačkih zona vrši se isključivo ekološkim vozilima ili motornim vozilima ukupne mase do 3.500 kg.
- (4) Zabranjeno je parkiranje vozila na način kojim se onemogućuje pristup vozilima za odvoz smeća.
- (5) Zabranjeno je postavljanje kontejnera na kolovozu, obilježenim pješačkim prelazima.

Predlaže se da se za odvoz smeća u užem gradskom jezgru iz stava (1) ovog člana odredi više vremena za odvoz smeća obzirom da do 7 sati kako je to definisano Zakonom, nije moguće kvalitetno i u potpunosti izvršiti odvoz smeća.

Z A S T U P N I K
Skupštine Kantona

Mirza Čelik

Sarajevo, 31.10.2017. godine